



2023-yilda Samarqand oltita xalqaro musobaqaga mezbonlik qildi. Viloyatda 700 ga yaqin sport tadbirlari o'tkazilib, ularga 552 ming nafardan ziyod aholi jalb qilindi. Aholini sportga qamrab olish ko'rsatkichi o'tgan yilga nisbatan to'rt foizga oshib, 26 foizga yetdi (2024-2025-yillarda bu ko'rsatkichni 30 foizdan oshirish rejalashtirilgan). Jumladan, "Besh tashabbus olimpiadasi" ommaviy sport musobaqalarining birinchi mavsumida 19 yo'nalishda 393 ming yoshlar mahalla, sektor, tuman (shahar), viloyat hamda respublika bosqichlarida bellashib, 17 ta oltin, 9 ta kumush, 12 ta bronza medali bilan umumjamoa hisobida birinchi bo'ldi.

Keyingi ikki yilda aholining sportga qamrovi 30 foizdan oshadi

"Besh tashabbus olimpiadasi"ning ikkinchi mavsumi yangi nizomga muvofiq, o'quvchilar, professional ta'lim, oliy ta'lim muassasalari talabalari va mahalla yoshlari o'rtasida o'tkazildi. Musobaqalarda 97 ming 715 nafar o'g'il-qizlar qamrab olinib, hududiy bosqichda g'olib bo'lgan jamoalar respublika final bosqichida ishtirok etdi va 3 ta oltin, 1 ta kumush, 2 ta bronza medali bilan umumjamoa hisobida uchinchi o'rinni qo'lga kiritdi.

Viloyatda respublika budjeti mablag'lari hisobidan 25 ta Workout maydonchasi, investitsiya dasturi asosida 3 milliard so'mga Bulung'ur tumani sport maktabiga 18x30 o'lchamdagi sport zal qurib berildi. Ayni paytda "Besh tashabbus olimpiadasi" musobaqalarida g'olib bo'lgan 16 mahallada sport maydonchalari qurilmoqda.

O'zbekiston chempionati va kubogi bahslarida sportchilarimiz 1388 ta oltin, 1268 ta kumush, 1701 ta bronza, jahon, Osiyo va xalqaro sport musobaqalarida 208 ta oltin, 179 ta kumush, 240 ta bronza medalini qo'lga kiritdi. Sport turlari bo'yicha viloyatimizdan O'zbekiston milliy terma jamoasi asosiy tarkibiga 750 nafar, zaxira tarkibiga 482 nafar sportchi qabul qilindi va terma jamoada faoliyat olib borayotgan samarqandlik sportchilarning soni 10 foizdan oshdi.

Hozirgi kunda Olimpiya va Paralimpiya o'yinlariga tayyorgarlik ko'rish va sportchilarning shug'ullanishi uchun qulay sharoit yaratish maqsadida hududiy dastur ishlab chiqilib, barcha sharoitlarga ega bo'lgan asosiy va yordamchi sport bazalari sifatida 34 ta sport inshooti biriktirilgan. Xususan, 2024-yilda Fransiyaning Parij shahrida o'tkaziladigan Olimpiya va Paralimpiya o'yinlariga viloyatimizdan to'qqiz sport turi bo'yicha 19 nafar sportchi, paralimpiya bo'yicha 4 nafar va ikkita parasport turi bo'yicha nomzodlar saralab olingan.

Inklyuziv ta'limni rivojlantirish - zamon talabi

Samarqand shahrida O'zbekiston nogironlar assotsiatsiyasi va uning viloyat hududiy bo'limi tashabbusi bilan nogironligi bo'lgan shaxslar huquqlarini ta'minlash hamda inklyuziv ta'limni rivojlantirish masalalariga bag'ishlangan seminar-trening bo'lib o'tdi.

Ijtimoiy himoya milliy agentligi viloyat boshqarmasi, "Yuksalish" umummilliy harakati viloyat bo'limi hamda nogironlik masalalari bilan shug'ullanuvchi NNTlar vakillari ishtirok etgan tadbirda O'zbekiston nogironlar assotsiatsiyasi raisi Oybek Isoqov so'zga chiqib, davlatimiz tomonidan imkoniyati cheklangan shaxslarga yaratilayotgan shart-sharoit, ayniqsa, nogiron bolalarning boshqa bolalar qatori teng ta'lim-tarbiya olishi, buning uchun ta'lim jarayonida inklyuziv ta'limni joriy etish lozimligini ta'kidlab o'tdi.

- Inklyuziv ta'lim barcha o'quvchilarni qamrab oladi, - deydi O'zbekiston nogironlar assotsiatsiyasi viloyat hududiy bo'limi raisi Lochin Ernazarov. - Agar-da maxsus ta'limda faqat nogironligi bor bolalarning o'zlar ta'lim olsalar, inklyuziv ta'limda barcha bolalar ta'lim jarayonida ishtirok etishadi. Shu maqsadda mamlakatimiz ta'lim tizimida inklyuziv ta'limni rivojlantirish strategiyasini ishlab chiqish maqsadga muvofiqdir. O'quv muassasalarida to'siqsiz muhitni yaratish standartlari yaratilishi kerak va uni rivojlantirishga qaratilgan va nogironligi bor shaxslarning pozitiv obrazini shakllantirishga yordam beruvchi turli axborot kompaniyalarini o'tkazish lozim. Eng muhimi, maktablarimizda tyutor, resurs-pedagog kabi shtatlarni kiritish muhim ahamiyatga ega. Seminarida inklyuziv ta'limning imkoniyatlari va qulayliklari haqida fikrlar bildirildi.

Dilmurod TO'XTAYEV.

Bugungi kunda hayotimizga raqamli texnologiyalar-nig kirib kelishi tufayli viloyatimizning tog'li va chekka hududlarida yashovchi aholi tomonidan mobil aloqa va internetga bo'lgan ehtiyoj ortib bormoqda. Shu sababdan ham sayyor qabullarda bo'layotgan murojaatlarning aksariyati zamonaviy internet tarmoqlarini tashkil va mobil aloqa antennalarini o'rnatish borasida bo'lmoqda.

Nakurtda mobil aloqa va internet yaxshilandi

"Jismoniy va yuridik shaxslarning murojaatlari to'g'risida" - gi Qonunga asosan, "O'zkomnazorat" inspeksiyasining viloyat hududiy shu'basi tomonidan fuqarolardan kelib tushayotgan murojaatlarni o'rganish maqsadida tog'li va aholi borishi qiyin bo'lgan hududlarda mobil aloqa xizmatlari sifati doimiy monitoring qilib borilmoqda.

O'rganishlar natijasiga ko'ra, "O'zbektelekom" aksiyadorlik kompaniyasining O'zmbayl filiali tomonidan Urgut tumanining tog'li Uzunsay mahallasi Sevazsoy qishlog'ida, Payariq tumanining Nakurt mahallasi Qo'shilish qishlog'ida va Bulung'ur tumanining G'o'bdin mahallasi Qorovultepa qishlog'ida yangi tayanch baza stansiyalar o'rnatilib, aholiga mobil aloqa xizmatlari ko'rsatilishi yo'lga qo'yildi.

R. KARIMOV,
"O'zkomnazorat" inspeksiyasi viloyat hududiy shu'basi mutaxassisi.



Mamayunus Pardayev



Ilash Abdiyev



Xudoyberdi Komilov



Mardon Boltayev



Rabbim Hotamov



Turg'un Hasanov



Izzatilla Norquvvatov



Erkin Musurmonov

Taxmina Ikromova - O'zbekistonning eng yaxshi ayol sportchisi

Taxmina Ikromova 2004-yil Samarqand shahrida tug'ilgan. 15 yildan buyon badiiy gimnastika bilan shug'ullanib keladi. Faoliyati davomida O'zbekiston, Osiyo chempioni, jahon kubogi, xalqaro turnirlar g'olibi va sovrindori bo'lgan.



Taxmina O'zbekistonda 2023-yilning eng yaxshi ayol sportchisi deb topildi. U yakunlanayotgan yilda yakka va juftlik yo'nalishlarida Osiyo o'yinlari g'olibi bo'ldi. O'zbekistonlik sportchilar orasida birinchi bo'lib "Parij-2024" Olimpiadasi yo'llanmasini qo'lga kiritdi va bir qancha jahon kubogi bosqichlarida sovrindor bo'ldi.

- Ushbu sovrinni olishimni kutmagandim, - deydi Taxmina Ikromova. - Chunki mendan boshqa yana ko'plab talantli va mahoratli sportchilar bor edi. Yilning eng yaxshi ayol sportchisi bo'lganimdan xursandman. Bu mukofot kelasi yil Parijda bo'lib o'tadigan Olimpiya o'yinlari oldidan menga katta kuch-g'ayrat va shijoat bag'ishladi. Endi musobaqalarga jiddiy tayyorgarlik ko'rib, olimpiada-da ham chempion bo'laman va yurtimiz bayrog'ini baland ko'taraman.

Sport xabarlari

Taekwondo ITF

Toshkent shahrida Sportning taekwondo ITF turi bo'yicha bo'lib o'tgan beshinchi Osiyo kubogida viloyat jamoasi 18 ta oltin, 17 ta kumush, 12 ta bronza medalni qo'lga kiritdi.

Akademik eshkak eshish

Tailandda o'tgan akademik eshkak eshish bo'yicha yoshlar o'rtasidagi Osiyo chempionatida Toyloq olimpiya va paralimpiya sport turlariga tayyorlash markazi sportchilari Obidjon Jo'raqulov va Shahriyor Hamdamov oltin, Islomjon Ahtamov bronza medalga sazovor bo'ldi.

Paraakademik eshkak eshish

Toshkentda o'tkazilgan sportning paraakademik eshkak eshish turi bo'yicha O'zbekiston kubogi bahslarida viloyatimiz terma jamoasi a'zolari Lazizjon Sohibov hamda Shabbona Sattorova bronza medalni qo'lga kiritdi.

Shaxmat

"Besh tashabbus" olimpiadasi doirasida umumiy o'rta ta'lim maktablari o'quvchilari o'rtasida shaxmat bo'yicha "Maktab ligasi" musobaqasining viloyat final bosqichida birinchi o'rinni Samarqand shahar 51-IDUM jamoasi, ikkinchi o'rinni Toyloq tumanidagi 34-umumiy o'rta ta'lim maktabi jamoasi va uchinchi o'rinni Jomboy tumanidagi 7-umumiy o'rta ta'lim maktabi jamoasi egalladi.

Basketbol

2009-2010-yillarda tug'ilgan o'g'il-qizlar o'rtasida o'tkazilgan basketbol bo'yicha viloyat birinчилиги o'g'il bolalar bahsida umumjamoa hisobida Samarqand shahar yoshlari g'olibligini qo'lga kiritdi. Qizlar bahsida paxtachiliklar birinchi bo'ldi.

Yunon-rum kurashi

O'quvchilar o'rtasida yunon-rum kurashi bo'yicha viloyat birinчилиги bo'lib o'tdi. 200 nafarga yaqin sportchi ishtirok etgan musobaqada 11 vazn toifasida g'oliblar aniqlandi.

Bekzod AHMEDOV.



PAST DARG'OM TUMANI TIBBIYOT BIRLASHMASI JAMOASI

aziz yurtdoshlarimizni

va barcha

hamkasblarini

Yangi yil

bilan tabriklaydi.



"SAMARQAND KAMALAK INVEST TEKSTIL"

MAS'ULIYATI CHEKLANGAN JAMIYATI JAMOASI

barcha

vatandoshlarimizni

YANGI YIL

bayrami bilan tabriklaydi.



Mahsulotlar sertifikatlangan.

O'ZBEKISTON KASABA UYUSHMALARI FEDERATSIYASINING SAMARQAND VILOYATI KENGASHI



Xalqimiz farovonligi,
Vatanimiz taraqqiyoti yo'lida
mehnat qilayotgan qadrli
yurtdoshlarimizni yangi –

2024 yil

bilan qutlaydi.



DA'VOLAR BO'LSA...

Jomboy tumanida xususiy amaliyot bilan shug'ullanuvchi notarius Qodirov Ulug'bek Tolibovich notarial idorasida marhum Xolmurzayev Abdurashidga (2017-yil 2-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qodirov Ulug'bek Tolibovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

Samarqand shahrida xususiy amaliyot bilan shug'ullanuvchi notarius Nishonova Umida Ismatillayevna notarial idorasida marhum Davronova Zurafa Tairkulovnaga (2020-yil 22-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nishonova Umida Ismatillayevna notarial idorasiga murojaat etishlarini so'raymiz.

Manzil: Samarqand shahri Rudakiy ko'chasi, 132-uy, 2-xona.

Samarqand shahrida xususiy amaliyot bilan shug'ullanuvchi notarius Tursunov Suhrob Berdiqulovich notarial idorasida marhum Nazarov Safarga (2011-yil 14-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Tursunov Suhrob Berdiqulovich notarial idorasiga murojaat etishlarini so'raymiz.

Manzil: Samarqand shahri Beruniy ko'chasi, 200-uy, 3-xona.

BEKOR QILINADI

Samarqand tumanidagi "SAMARQAND MEDICAL" mas'uliyati cheklangan jamiyatining (STIR: 302480716) dumaloq muhri va burchak tamg'asi yo'qolganligi sababli bekor qilinadi.

